

# C H I N E N S E I M P E R I V M.



Artaria, qua ortum Solis respicit, adne-  
xum est Chinæ re-  
gnum, cæli tempe-  
rie, Soli fertilitate,  
amplitudine, opibus  
ac potentia haud  
cuiquam alii cedens,  
gens ipsa (si credi-  
mus) omnes alias in-

genio superans. Sinas esse Ptolemæi, cum si-  
tus, tum ipsum vocabulum maxime convincit.  
Quippe quod Hispanis *China*, id Italis Tuscis *Ci-  
na*, & Germanis *Tschina* scribitur. ubi exiguan  
deprehendas in pronuntiatione differentiam,  
inter *China* & *Sina*. At ignorantia Hispanicæ  
pronuntiationis, quæ est in *Ch*, Græcæ literæ  $\chi$   
pronuntiatio in vocabulo isto apud alias natio-  
nes invaluit. Limites habet ab occasu Damasios  
montes, quibus ab India & Tartaria separatur;  
à Septentrionibus Ottorocorum, & murum 450  
mill. Germanicorum, inter hujus crepidines  
contra Tartarorum irruptiones extructum: ab  
Ortu Oceanum Sinensem sive Eoum: à meri-  
die eundem Oceanum & regnum *Sian*.

Vocabu-  
lum.

Limites.

Diviso in  
provincias.

Dividitur totum regnum in complures pro-  
vincias, quas illi præfecturas vocant, quarum  
maritimæ sunt, *Cantan*, *Foquiem*, *Chiqueam*, *Nan-  
qui*, *Xantum*, *Paquin*, mediterraneæ *Xiamfui*, *Can-  
fui*, *Sancii*, *Suchnom*, *Huanum*, *Ivana*, *Fuquam*, *Suinam*,  
*Quicheu*, *Qujancii*, *Cochinchina*, *Quancii*. In his pro-  
vinciis centum quinquaginta octo provinciæ  
minores (ipsi *Fu* vocant) numerantur. Quarum  
pleræq; duodecim quindecimve urbes magnas  
fatis, præter villas, pagos, castella & oppida  
comprehendunt. Numerus urbium traditur esse  
247, quæ muris fossisque probe munitæ sunt.  
Vulgares urbes, quas ipsi *Hien* vocant, 1152  
numerantur.

Vibes.

Sina omni-  
um rerum  
ferax.

Quod ad regionum feracitatem attinet, illud  
in universum verum, omnia quæ ad humanum  
cultum & victum, imo & delicias faciunt, non  
aliunde importari, sed domi abunde nasci.  
Triticum fert omnis fere generis, legumina  
quoque & phaseolos maxime. Fructuum quo-  
que ac pomorum species, si olivam excipias &  
amygdala, è primariis nullæ defunt. Poma ha-  
bent nostris incognita, quæ nomine à Sinis ac-  
cepto *Licyas* & *Longanas* appellamus. Indicas  
quoque è palma nuces habet, & ficum Sinen-  
sem, ita dictum, quod eo passo vesci liceat. alias  
pomum est suavissimum ac speciosissimum. Au-  
rea & citrea mala, iis, quæ alibi nascuntur, præ-  
stantiora fert. Olerum varietatem offendas  
maximam, quorum apud Sinenfes, quam apud  
nostrates usus est frequentior, cum plurimi re-

Asia.

ligionis causa aliis alimentis non utantur. Nec  
flores omnis generis desiderantur, imo non  
pauci nostris incogniti visuntur. In quatuor ad  
Austrum provinciis nobile illud apud Indos fo-  
lium, quod *Betre* vocant, & arbor *Arequiera*, re-  
peritur. Folium illud vivæ calci mixtum totos  
fere dies Indi mandunt, asseruntque calore illo  
stomachum non parum juvari. Oleo abundant,  
& vinis, licet minus, quam nostra, præstanti-  
bus. Suilla vulgo vescuntur, sed tamen aliæ  
quoque carnes abundant. Bubula, ovilla, ca-  
prina multa est. Quin etiam equis, mulis, asel-  
lis, canibus æque fere, ut reliquis carnibus ve-  
scuntur, quæ etiam in macellis veneunt. Qui-  
busdam in locis vel ob superstitionem, vel ob  
agriculturam bobus & bubulis parcunt. abund-  
ant ferina, maxime cervo & lepore, variisque  
altilibus.

Regio tota fluviis adeo pervia est, ut permea-  
ri possit, sive illos natura sive ars fecerit. Hinc  
ingens istic navigiorum reperitur multitudo, &  
quidem tanta, ut è nostri temporis scriptori-  
bus unus asserere non dubitaverit, nihilo pau-  
ciores in aquis, quam in continenti homines  
commorari. quod etsi hyperbolicum videatur,  
non tamen à vero longe abit, ob fluviiorum co-  
piam.

Sinenfia nemora leones minime alunt, sed  
magno numero tygres, ursos, lupos, vulpes. Li-  
num ignorant, è gossipio vulgo ad amictum  
pannus textitur, cujus semen etsi ante annos  
400 ab externis fuerit importatum, adeo nunc  
illic luxuriat, ut hodie orbi universo gossipia la-  
neæque vestes suppeditet. Operis bombycini  
tanta est copia, ut plane cum nostra Europa  
certare videatur, nisi forte superior sit.

Metalla apud Sinas omnia reperias. Præter  
æs, cuprumque vulgare, aliud conficiunt, candi-  
dum instar argenti. quod nihilo carius est ære  
flavo. E liquefacto vero ferro plura opera,  
quam nostri conficiunt, ut lebetes, ollas, cam-  
panas, mortaria cancellos, fornaces, bellica tor-  
menta, aliaque complura. Aurum non ignobi-  
le est, licet nostrate precio longe inferius. Ar-  
genti ad monetam usus est, quæ pondere, non  
etiam sigillo impresso distinguitur: atque ita in  
omni commercio ad staturam precium omne  
expenditur. Vulgaris in mensis supellex fictilis  
est, quam Europæi, nescio qua de causa, Porce-  
lanum vocant. Nobilissima fingitur in Kiamfi-  
nensis provinciæ agro, in quo massa lutea est,  
è qua fingi solet. Inde in universum regnum, fi-  
nitimàs provincias & remotas distrahitur. Edu-  
liorum ferventium vim innoxie patitur, imo,  
quod mirere, frustra inter se filo æreo confuta  
liquorem continent, nec transmittunt. Vitrum

F

con-